

四庫全書

集部

欽定四庫全書

西陂類稿卷十

吏部尚書宋犖撰

漫堂草

雪中登滕王閣次多玉巖孝廉韻

章江西望山為界風急奔濤響
砵泝雪中登閣信一奇
水闊雲深迷九派昔年僅過石
亭寺未訪滕王恒介介
竭來持節繼閻公天畔褰衣意
良快瑯琊吟魂儼可招

俗韻憑欄掃纖芥歌舞已散野鶩留畫棟朱簾幾成敗
徙倚看雪雪愈狂那許羈人堅酒戒臨風怊悵覓遺篇
斷碣消沈失倒薤薄暮蒲颿駛如馬南浦蒼茫去疑隘
逢逢鼉鼓何處鳴震起魚龍驚百怪新詩題壁得未曾
讀罷真成爪爬疥繫余微尚契雲山擬駕籃輿謝機械
匡廬面目霽後看次第閒吟償夙債

附
原倡

多時珍

舟人報入洪州界雉堞臨江俯澎湃崔巍傑閣冠雲

霄坐鎮章流朝百派滕王昔日駐旌旄閭督當時盛
賓介座中年少有王郎一賦纔成衆稱快憐才自見
古人真意氣文章鍼引芥古今勝蹟幾荒丘此閣千
年疊成敗捲飛雲雨朝暮愁出沒風濤舟楫戒遙峯
隱隱淡於烟遠樹濛濛紛若薤登臨不獨憑弔多放
眼已覺塵寰隘落霞孤鶩景依然筆有化工吁可怪
莫將駢語薄前人我欲題詩羞壁疥此際真成曠遠
觀半生悔被詩書械青鞵布襪興有餘此行尚了匡

廬債

疊前韻呈中丞公

時珍

放舟已下章江界雪虐風饕舞澎湃長須追我捧一
函開卷波濤洶百派龍文萬斛獨能扛斫陣神兵馳
不介自然元氣力排奭寧止齒牙誦清快子安昔日
賦稱工較此須彌納一芥古今世事亦何常文筆才
名有成敗詞章一道根性靈布鼓雷門從此戒況公
德業炳霄壤清若冰霜嚴拔薤行看燮理坐明堂節

鉞江湖誠覺隘何期瓦缶觸黃鐘滿幅蛟螭森百怪
珍也生平好文史如遇枯楊便馬疥盤空硬語啓蓬
心一脫騷壇詩律械願公吟嘯有餘情未敢築臺思
避債

雪同山蔚賦

效歐陽體不以鹽玉月梨梅練絮銀
鶴鵲鷗鷺蝶飛舞之類為比仍不使

皓潔白素等
字即次原韻

曉起忽訝樹添萼怪道中宵錦衾薄從來南雪不到地
如掌漫空卻大作支派章江歸混沌面目廬山失寥廓

戟門畫角吹劇澀竹屋紙窗光乍爍空階跂足對灑灑
破帽蒙頭殊落落捎欄蕭緘爬沙蟹埋蹤寂寞藏丘貉
幽人閉戶或晏眠稚子忍凍時競攫輪囷壓折嗟古松
啁啾道飢憐寒雀故人平臺舊賦客遠路看山踏芒屨
冰衙那阻鼓枻興地爐聊共傾杯樂坡老橐鞬與周旋
醉翁號令嚴洗淪擊鉢快意傾泉源聳肩旁搜窮冥漠
三徑滅沒手欲龜一舞縱橫蔗當梁來麤雖慶吟太苦
門外吏人聞而喏

附
前題

劉 棣

入春三日雲氣揚一夜滕六過章江幕府清寒冰堪
結霏霏况復三尺彊家住梁園舊與狎風流文雅

臺名

還未荒搖筆一弄郢人曲敢叱司馬驚鄒陽於今志
氣甘消歇徒擁破被高眠僵公念故人下折簡聿來
南浦同寒光凌曉山郊莽四顧續紛直似平臺鄉不
遠廬陵存遺令白戰旗鼓期相當寸鐵尺箠毋容假
一徃真勇空拳張眉山遵之如蕭律我亦三申懸罰

觴莫盡掃烹螬眼銚且須留充驢背囊我聞此地二
十載陰蝕寒剝羣生傷但知三時剝肉亦誰聽一聲
歌竹黃公吹葭灰溫百物又感麥瑞來千倉喜極頻
將穿履踏團取還作解酲嘗嘗似嵯山甜且香願賦
既飽十三邦

再次歐公韻

劉棣

五出試驗春來萼鴛瓦初承紙樣薄疎疎枯葉零亂
鳴灑灑空城次第作漸凝逕竹強撐持不辨雲山莽

寥廓深壑偏容風去填清江更比日能爍身若栩栩
在廣寒世已漫漫連碧落何處覓得三窟窺果然涸
作一丘貉佳人自會茶鐺掃小兒戲為粉餐攫累積
有時折凍松翔迴無地啄飢雀謝莊原不在鮮衣東
郭何妨少完屨惟我來分銷金煖與公堪鬪拈髭樂
天地精華足探搜兒女塗抹盡滌淪老興雪時愈騫
騰本色風光歸澹漠堅陣要防攻偏師對壘不容持
短槩孫武徒將粉黛驅不堪白戰將軍發一噓

附
前題

至

江鄉澤水當堅腹北風吹徹元陰酷
濺濺纔驚落瓦溝灑灑還看敲庭竹
飢鳥攫食市樹鳴凍雀引伴緣
牕宿街頭酒價知應昂江邊魚網想
當束來牟根深快藉培狐兔迹顯愁
難伏幽人閉戶抱醉眠舟子推
篷祝晴旭喚醒平臺老鄒枚判出匡
廬真面目蘆汀畫手不復傳

惠崇有蘆汀密雪卷

眉山戰筆誰能續

東坡有效歐陽體作

白戰詩

且喜眼界頓空明
獨立高樓恣遐矚

春日遊翠巖寺四首

寺後傳有洪
厓子丹井

涉江遵野岸策馬望層巒
物候芳春好招尋法界寬
衣涵桃色嫩心洗磣聲寒
多謝田家子殷勤夾道看

地自蕭梁闢千年幾廢興
斷幢隨洞失傑閣入雲登
樹簇喧黃鳥簷虛挂紫藤
晨昏孤磬裏羨殺白頭僧

別院黃茅屋淒清洗盃泉
淙緣剝木走響並素琴傳
玉版叅初地繩牀借晏眠
疎籬蕉影下步屨惜苔錢

越嶺更披榛厓荒古甃堙
危橋容坐嘯纖月快迎人
燒

藥懷高躅支筇了勝因退尋還有句端不負嘉辰

春夜雨後同袁士旦劉山蔚小飲士旦談黃山之
勝出紀遊詩共讀之即席有作用范石湖登姑蘇

臺避暑韻

紅蕖點幽砌快值餘春閏涉江羣屐臨閉閣壺觴進聽
殘豐溜激坐翦孤檠燼曰余擁節旄百事惟任運曠懷
託壯騷虛聲薄廚俊客談天都竒恍已凌千仞心折五
字篇直斫康樂陣味憐啗蔗佳興同舞鶴振宿霧林際

收纖月籬根印屢看頭觸屏那顧山童愠星芒眈酒鱗
印首河漢近墨探豹囊秘硯拭鵠眼暈聊罄良夜歡待
發遠遊軻高風挹彩鸞遺軒訪寫韻

附
和前韻

啓旭

今春勝事賒三已欣逢閏霜臺鼓角間蓮幕賓僚進
高館玉琴橫芳筵銀螭燼名理有劇談魁柄看斜運
巍巍川嶽崇濯濯風儀俊詞源沛磅礴如瀑下飛仞
短力易訾歎沉吟怖堅陣漸酣胸臆豁作使雙眉振

憑將金石心出與明哲印荷錫清晏嘉足破窮居愠
俯仰神自起憑陵天欲近沾沾露氣濃漠漠花光暈
軫茲幸舍遷稍息征途軻千秋柏府中著此高閒韻

送劉山蔚歸里四首

子舍君頻夢歸期敢重違山將五老別潮挾片颿飛野
岸寒芳草長河訪舊磯天涯明月在相對共依依

昨歲滄江上煩君草捷書幽探偕亂後白戰愜公餘

山蔚

魯傲歐公作
白戰體詩

金石留音徧河梁結恨初南州今日榻猶

接故人裾

染翰從花外，銜杯每夜分。
空亭看鶴乳，曲牖挹蘭薰。
俯仰成陳跡，湖山隔暮雲。
祇餘雙孔雀，聯句未同君。

掉頭君竟去，閉閣我仍留。
老愧施行馬，心搖逐泛舟。
樂

箴情不淺

山蔚以樂
歲見贈

初服願終酬，怡悵西園讌。
明朝欠

老劉

題柳愚谷畫寄北蘭澹公

愚谷秋容寫北蘭，茅亭疎樹訝高寒。
衙齋不合長留此

送與山僧壁上看

題愚谷畫四首

舊時名畫說丹臺丘壑何妨又別開地下王蒙應一笑

後生咄咄逼人來

次韻叔明有
丹臺春曉圖

烟艇戛溪來竹閣綠雲上佳句憶蘇州天秋百泉響

藤纏老樹歌雲歛孤峯峙美殺結茅僧泉聲鎮盈耳

黃王遺法此偏優不與金陵八子儔彷彿輞川詩意在

鶴巢松樹華門幽

臘月十七夜衙齋小集同柳愚谷用陳子文豐臺
看花韻二首

捐簷梅萼雪爭新鎖印俄驚又一巡終歲艱虞持節地
幾時端的罷官人隔江雲岫遙相媚攬鏡霜髭漸欲勻
何物好醫詩思澀麻姑名酒貰來頻

時買得
麻姑酒

薺菜登盤逼早春青熒燈火酒千巡分題每愛詩中畫
入座偏宜世外人南浦疎鐘催短景西陂孤櫂待閒身
清輝恰送江天月頓洗胸中十斛塵

盆梅

素盞疎枝嶺外傳幽香歲晚挹來偏貯從官閣風簾下
韻奪山橋野店前映雪清寒渾欲笑張燈的皪倍增妍
故園回首無消息每到花時幾悵然

偶得黃魯直遊青原山寺詩石刻後有施愚山跋
同愚谷次韻

雪霽天宇肅南榮絕纖埃俯摘菜甲嫩仰睇斗柄迴適
得涪翁碑遠自青原隈冲襟有深契懸玩耳目開太史

玉局亞曠代稱瓊材遷謫被黨禍所遇良足哀結伴遊
寶坊振筆題荒崖高風留至今攀附無梯階遺碑嵌壁
壁千年覆華棖好事宛陵叟慙懃滌塵埋磨墨榻萬本
汎覽遍九垓嗚呼此詞翰下士恒嫌猜繫余晚篤嗜披
尋到根茲寒夜集勝友法鑒傾深杯官樣脫已盡狂叫
忘形骸緬當揮灑時氣將礪壑摧宜與顏平原名山相
追陪

寺有魯公碑

我輩今且樂鼓角消喧阗發揚西江派眼

底驅淫哇須知元和脚翻與鍾張偕卷持入宦橐西陂

歸去來對作駱駝坐吟同轆轤催漏殘缺月上庭鶴雙徘徊

錢塘顧啓姬鄂子幼輿室人也曩於京師有花憐昨夜雨茶憶故山泉之句一時豔稱之茲幼輿遠道見訪口占以贈

花憐昨夜雨茶憶故山泉似此驚人句難為贈婦篇畫眉君暫輟下榻我相延賦就滕王閣靈風促轉船

賦贈憩雲菴心壁上人用虞道園題旦景初僉司

畫韻

東湖之東蘇浦南荒岡古柳垂毵毵把茅蓋頭來衲子
晨夕甕牖得勝探西山對面作屏幃江城不隔浮空嵐
澹臺墓近梵度隴百花洲迴鐘搖潭昨者雪片如掌落

曾一過訪駐雨驂化鹿拂子留几席

木陳大師別號化鹿山長上人其法

副也石溪畫本藏勝絨

石溪金陵高僧善畫

幸未凍死聳肩坐詩懷

禪理相交參繞籬且種幾行菜庇車那羨千章楠我官
烜赫居以冷邂逅法侶知無慚生平眠食願學道况復

衰病百不堪好聽弼鼓伴彌勒何須海岸方投簪

歲暮放歌用元遺山遊黃華山韻示諸友

小兒燈下笑挽鬚阿爺真箇成衰翁曉對厭原起歎息
芒屨那躡青芙蓉此間發願信天耳虛無因應余何功
竭來

詔蠲租之半冰雪已過開春容簿領朱墨紛且卻逼除
庭戶披和風年年鎖印一酬倡還以酒澆磊隗胸慙谷

金陵

柳子雖老熊豹姿衆賓意氣凌長虹錢塘少君

謂顏
啓姬傳

賦草疇昔驚倒新城公

謂王阮亭宮詹

嗚呼終歲困轅下高談

今並焦遂雄食單頗訝備方物龍豬

龍南產

遼菌放箸空

自顧一飽亦良易西陂魚麥況未窮搔頭忽憶篋中句

次第杏子櫻桃紅

元次山選同時人詩為篋中集高念東先生有作云故園小圃又東風杏

子櫻桃次第紅明日春明門外路清明消遣馬蹄中

早春燕射六首

首春校射灌嬰城肅肅官僚待倚旌不比當年宴滕閣

僅將詞賦博虛聲

堂下桓桓將士雄
左支右屈技何工
須知氛祲全消日
都在雍容旅進中

破的將軍矢不虛
連槌畫鼓一軒渠
行觴就席無矜色

似熟顏公論座書

謂趙總戎

虱肩生啗酒淋漓
彷彿趨庭薊北時
旂常功業慚家學
祇肖先公兩鬢絲

又見東風入豫章
衰遲無補起徬徨
甘泉倘更從游獵
難挽雕弓射兩狼

斜景天開落酒卮
簷花選柳弄芳姿
吟鞭擬向郊垌指
試手先成燕射詩

秋日夢葉荃伯以菊花卷索題醒而作歌奉寄

涼秋一別十載餘
每逢秋日嗟離居
今年聞鴈向江國
夢君不與平生殊
手持畫卷索題句
迫切但願急就書
鵝溪乍展艷秋色
黃華翠葉何蕭疎
振筆一笑殘夢破
窺人片月當牕虛
句不能記意則省
餐英歲晏幽懷攄
聞君目盲類張籍
行階恒用柳栗扶
顧我朝衫苦未脫

眼有黑花霜生鬢幾時親戚共情話閒閒十畝真歸歟
君盲雄談尚驚座我老吟興吞江湖東籬斗酒足娛樂
還堪寫作二老圖天涯此際漫矯首宮亭雲樹愁模糊
題詩寄君待回鴈寸心飄比風中旗

秋日重過北蘭寺六首

薄書烟海坐相仍秋日羈愁一倍增何處空林堪脫帽
祇應還訪北蘭僧

竹迳茅堂蘚色滋芭蕉葉大蔭方池到來空綠生衣袂

恰好詩翁著句時

荒阜孤亭緩步躋
棟花坪好故人題
香篝茗椀纔料平

理苦被蟬聲趙日西

棟花坪為邵子湘題

烟江疊嶂曾看畫
列岫亭邊畫意賒
竒絕廬山飛鳥外

一痕晴碧落簷牙

宋王晉卿有烟江疊嶂圖

澹雪泉開碧篠籠
酌來真與錫山同
太平寺裏誇牛乳

倉父應知是杜公

泉舊名俗甚亦子湘做參寥泉例以澹雪名之

偃仰禪關愜素心
黃昏待月向風林
騶人莫漫催歸騎

且聽莎雞自在吟

鎖闥即事二首

豫章鎖院傍東湖試日秋高氣象殊
蕉葉風微江籟靜
鶯花雨過月明孤縱橫文陣來天馬
遠近華燈散夜烏
獻賦幾迴思輦下少年餘興未全無

羣賢將事盡從容簾靜堂虛氣愈恭
使者定推冰作鑑
老夫先識劔為龍烟雲匡嶽開生面
文字廬陵有正宗
畫角無聲公讌罷庾樓清嘯答霜鐘

題唐解元墨杏花二首

度雨籠烟帶淺暎芳園曉日貌來真始知落墨徐熙格
別具嫣然一段春

瞥見緇塵改豔粧臙脂何必點窺牆依稀穀雨長洲苑

尺袖風流鬪女郎

唐題句云穀雨長洲苑旗亭賣酒家女郎全尺袖杏子一林花

嘯雪集

歲暮對雪用王元之除夜寄羅評事韻二首

何處厭原山江城一皓然殘蕉當徑矗孤鶴背風眠蕭

撼公餘地崢嶸歲暮天欲將新熟酒分給釣魚船
幾日即朝正寒威凜冽雲深南浦驛烟斷北蘭僧社
鼓喧江舫官梅簇畫燈長歌容鍵戶雙戟結輕冰

破硯

誰令端明體不全應從洗墨墮池邊良工巧致雙符合
尤物寧慚片月圓文字發皇還藉爾溪巖靈秀固依然
花鈿貼處饒丰韻俯足昂眉詎可憐

竹屏

竹屏撲以華駘匝畫堂遮玉版淚痕結金絲蟬翅加青
蒼仍篠簜縹緲帶烟霞何必神臺上琉璃始足誇

同兒至聯句後戲成一絕

解道能文是虎兒天涯歲暮共深卮三年宦況惟今樂
雪夜聯吟孔雀詩

附步前韻

至

投老心情喜譽兒聯吟又把歲寒卮極知學語多生
澀不類斜川集裏詩

題沈石田所作米不米黃不黃小畫

米不米黃不黃淋漓水墨餘清蒼觀此石田題畫句便知其畫神妙不可當昔為王子石谷所寶惜後為歸叟希之所秘藏今也等閒落吾手不啻稚子得珍果連噉不輟出入懷袖神飛揚竭來掛之高齋之素壁橫峰側嶺斷雲疎樹一一生動發奇光漁舟儼瓢小萬頃凌渺茫舉似宋代晉卿烟江疊嶂卷各自光燦萬丈不減李白杜甫之文章精神所注足不朽即此偶然片紙豈比

尋常粉墨雲烟過眼旋消亡嗚呼畫之妙也如此安得
驚人句題向畫之旁坐卧其下者三日推敲不定空徬
徨今日雪中太醉忽然振筆直寫所欲吐滔滔如決江
河之隄防世間萬事非強致投筆一笑且歛瓶內凍梅香
簷冰

雪晴簷雷忽無聲寒逼琉璃寸寸生列處疑簪將取戴
看來似筍漸抽萌消須門戶和風入墮恐兒童爆竹驚
笑我頭銜今轉大依然不愧一條清

鱸魚

食指連朝動幾回銀鱗分自泖湖隈遠同黃雀馳孤擢
急倒清樽醉四顙風物萼羹堪顧惜烟波箭笠重徘徊

一官不直由來是抹煞張翰亦辯哉

放翁有千載虛名
笑張翰一官元不

直萼
鱸句

得梁曰緝侍御報書却寄

鄢陵先生梁曰緝風格崧高並鬼貳年未五十解組歸
勇退誰能似此急菴結老學不窺園剝啄何人許攔入

昔余需次金明門冷炙殘杯每霑及君方嶽嶽冠惠文

邸舍一樽將我揖晨夕廚俊快追陪堯峰之叟手頻執

謂汪
鈍翁

貴遊車馬不暫停我輩閉關類蟲蟄有時雄談到

五更僮觸屏風蜚語澀別來忽忽三十年舊雨相思祇

於邑前一寄書恐莫達千里報章如取給中間引喻詎

敢承人物王

東
湯
潛

邈階級計日笑謝碧油幢同向烟

波著蓑笠講解孝經君語謙

來書引放翁欲為
鄉鄰講孝經句

鑽研知

遍經史集曰余雖老願執鞭遙望陶城幾竚立

歲暮喜周岷公過訪即留小飲次日同至北蘭寺
看雪次見贈原韻二首

天寒山稜削歲晏江流清蕭辰坐膝閣懷抱何崢嶸故
人千里來颿與孤鶩爭相見嗟我老君顏仍玉英讀君
贈我句如露霑金莖拂拭漫堂榻傾杯話平生梅花爛
然開無限冰雪情

朔風吹倒人江微忽凜冽相攜策馬去飽看北蘭雪竹
屋壓欲摧池冰迴澌澌嘯歌雜詠嘲頓慰七載別高文

晚愈妙堪追韓杜傑品泉滌俗韻論研得怡悅禪語叩
參寥君優我維劣

林檎

嘉果名元著芳鮮出上林蘋婆同似玉霜橘愧將金擘

自憐珍味收應奪衆禽濟南開館處遺帖大王欽

邢子愿有

來禽館

早春新霽有感用梅宛陵和景彝閏臘省宿韻

循牆幾載抱凌兢隨手年光又解冰綠竹風聲傳細細

碧天雲葉卷層層間從簾外移花盎鬧說街頭賣紙燈
禪榻鬢絲何限意誰云不是入山僧

雪夜飲酒二首

我官一何熱我心一何冷

同邑沈文端相
國家書中語

卓哉前輩言

其味佳且永自我來江國頗厭煩囂境衙齋類僧居冷
味快獨領三載冰雪窟今歲雪更猛入春遍霑灑西山
玉作屏梅花凍不開何處覓紅杏寂寥燒燈前文案恰
稍省繙書駱駝坐爐篆兼燈影相伴鶴與鷗羽毛殊修

整詠嘲誦歐詩風騷義馳騁

我素不飲酒飲祇一蕉葉嚴冬因臂痛遂與樽壘接一
杯霑枯腸芒角不可攝兩杯磊隗消起舞亦何捷三杯
變朱顏春色入雙頰譬彼朽腹子文史聊涉獵不輟日
勦旃聲名頓超躡深夜更傾倒霜笛小童擻大雪漫天
來屋隙飄蝴蝶吟情邈空山不復知沿牒呼兒寫硬句
凍硯急磨歛

喜得彭無山黃門報書

彭侯磊落襟懷孤歐陽四門堪為徒孝廉鄉舉自蚤歲
英名直與烏石俱昔當閩亂託疾卧三年身上無完膚
時平筮仕得洵水跼蹐何異轅下駒勸農講學比家事
按治豪右矜無辜時余持節向通潞薦揚曾上大府書
強項之號舉以贈開心寫意欣相於我官于南灑淚別
轉燭不覺五載餘西江建牙愧濫寄臨事迂拙手口瘡
十三郡人少休息旦晚自劾歸田廬間君畿東久閱歷
薑桂為性終如初議鐫議罷考功法賜金仍復停

鑾輿盤錯屢試望愈峻大臣推轂

帝曰俞黃門給事荷

寵命聲價不啻璫與璵臨風短札聊寄訊雜以規諷伸
區區不圖作答二千字委曲盡將肝膈舒嘉猷誓矢告
我

后焚草敢將虛名沾紙尾數語頗瑣細添丁笑作三河
呼似此交情足千古方之金石良非殊回環莊誦口流
沫中夜起舞傾杯壺再拜擬作王褒誦北揚鳳鳥鳴高

梧

寄黃黎洲徵君

文獻南雷尚未湮望從卻聘愈嶙峋忠端氣節傳先世
顧及交游號黨人大業名山驚乍拜暮年撰杖擬相親
中原前輩風流在已自垂髫向往頻

柳子

異果分來自嶺南梭皮剝盡殼中含白膚盈寸驚初剖
清液霑脣得半酣葉少林高傳載籍品奇味別帶煙嵐

非同蒟子徒為醬留作詩瓢掛草菴

燈夕用韓持國韻

雪晴豐霽驚閒牕詩懷似海筆似杠聯句兀杲傲韓孟
角勝不待金鼓擬向夕治具酬令節草草何必烹羊腔
畫屏匝匝妙翦刻空堂照耀開明缸琉璃掛定澁秋水
當簷祇恐風擊撞自我蒞此忽三載守拙頗宜民俗厖
有時策馬出北郭褰衣列岫臨長江今也清興復不
淺嘯歌那許南樓降喧闐街鼓雜爆竹旗門深閉森矛

縱起踏明月偕賓從蹁躑鶴舞當階雙轟飲無算到酒
脚呼童仍進大食缸

西陂類稿卷十

欽定四庫全書

西陂類稿卷十一

吏部尚書宋肇撰

漫堂草

春日雨中用至韻

溟濛江上雨正是插秧時
種樹催辛秀聯吟擬退之
濤應翻古井柳欲暗叢祠
惆悵遨頭阻空餘弄酒卮

雨

去冬十日雪今春十日雨端居豐暇豫冲襟快容與
灑遍江界淒清逼廨宇懸麻急陣催驚湍空階聚雲濃
儼潑墨雷殷過撾鼓秧鉞戰遠塍浪花翻別浦巖崖遲
芳眺花藥探深塢翠憐梭扇歌紅訝櫻脣嫵照水聳海
鶴望晴叫鸚鵡巡簷腰脾便閉閣樽罍舉畫展江南春
思入古竹圃燒筍願莫酬束帶情何苦且好讀漢書因
之教兒炬

偶讀江湖長翁詩有西江米粳絲作窩之句適午

飯有此欣然為長句用原韻

天陰對畫向霜壁嗒然移情忘午食西江米槩絲作窩
妙句偶檢長翁冊竭來廚娘適進此風味殊佳驚創得
我家西陂十頃麥芄芄每愛沒牛膝餅盤穀磔飽農夫
至老不見長腰粒況此粉之復縷之璽緒遜工玉遜德
芼以薑橙點醯醬放箸縈迴定千尺飯罷江樓望江甸
如毯新秧風策策

雨中示朱樸士時樸士將遊齊州

旗靜門閒戟自交雨中飢鶴上堂坳花枝檻列春秋桂
山簷一名春桂菜把園供大小巢雙屐輕拋苔欲浣三杯軟飽
句從敲暢遊擬共修之去免使山靈遠獻嘲

采芑作用陳簡齋村西買山藥韻

曉起向射廳偶試登山脚鶴邊送遙青紛披足花藥芑
從故鄉移生意恐小却孰知春風吹新苗映叢薄采采
念雅詩清露衣上落我今困塵鞅如鳥雙翅縛野飯偕
村農幾時踐夙約芳歲委江濤搔頭聽姑惡

起姪出守威寧將取道豫章詩以遲之三首

蠻烟瘴雨自遐陬年少何妨萬里遊
此去當官須鄭重道傍負弩是諸侯

過家上塚清明後取道西江慰老懷
風雨連旬縱留滯也應擁傳度臨淮

矯首江天耿寸心月明還惱蔽層陰
鱗魚將到紅蕃發遲爾衙齋次第吟

咏庭前花木五首

誰傍疎籬種小桃
亂藤惡竹苦相交
年來手為芟除却
牆角椶櫚得並高

架上紅蕖錦段張
惱人顏色殢人香
簿書叢裏抽身去
獨凭欄干到夕陽

叢桂連蜷色可餐
凌晨清露更漙漙
白頭翁亦知憐此
故把新巢葉底安

西江昨歲兼旬雪
末利芳蘭晚吐芽
一事最為殺風景
佛桑兩樹不開花

山櫻矯作盆中景輪囷離奇亦可觀不道如珠纔數子
朝來已被鳥銜殘

別院二首

別院如山靜旗門鼓不撾往來行樂地開遍蜀葵花
擣醬收梅子移欄避筍芽也知公事少清課近來加

朱悔人雨中見過留飲衙齋同吳志上兒至分賦
用湯西崖簡張弘蘧韻

潞沙一別五年強猶未抽身返芟梁何意宦途容建節

無多家法祇循牆故人偶過同聽雨好句分題各據牀
端酒依俛漉酒洌醉餘消受竹風涼

端酒出金陵味
類豐潤漉酒

附
次前韻

載震

風流不減昔年強五載相思月照梁久許心香師宋
豔誰搖健筆短曹牆操卮憶徃東西路跋燭論文上
下牀最是戟門清似水幽花滿院雨蒼涼

次前韻

吳允嘉

夜分索句興偏強爭似新泥落燕梁戶外雨聲多在

竹燈前花影自窺牆官宜老鶴同三徑客許清琴共
一牀贏得宋家冰雪咏頓教五月座生涼

孔雀雛

炎方珍鳥得佳雛飲啄風前本自孤棲桀何妨從奮迹
吮毫肯為寫新圖

趙松雪有錦
石雙雛圖

微聞格磔呼都護已訝

斑斕類鷓鴣待到屏開倍馴擾青蓮間客頓教輸

白鷗
號閒

客太白有詩亦
稱為鷓鴣所伏

辛未夏五月過北蘭寺時烟江疊嶂堂初成漫賦

五首

茅堂一到一番幽
碧筍如簪傍檻抽
得得山僧扶杖出
楮袍翦笠總風流

棟花坪子最荒涼
逕轉籬開石几張
好處花時還記取
繽紛紫雪點衣裳

小閣秋屏竹樹團
蕭森五月欲生寒
推牕又改山川面
不與空亭一例看

烟江疊嶂堂中坐
流覽烟江疊嶂圖
莫把清光浪摹寫

且須長句誦髣蘇

斷雨殘雲止復行蒲颿十幅往來輕
斜陽忽放山根出
江外重湖一線明

附
次前韻

載震

堂通野阜轉清幽
壓戶藤梢帶葉抽
最好江洲浮遠
綠孤懸塔影漾中流

領取空庭五月涼
烟生粉壁畫高張
羅牧畫壁
何來萬箇

青鸞尾翠滴層欄
欲染裳

歷落村坳碧幾圍隔江遙睇動深寒雲嵐橫側紛成
態載酒頻來不厭看

晴簷對景閒披卷松雪翁書文沈圖不是漫堂雅好

事阿誰舉似到王蘇

宋王晉卿烟江疊嶂圖東坡題詩真蹟今不可得公有趙承旨

書蘇詩沈啓南文衡山補圖卷是日攜至同觀

短柵遶蛇曳履行晚颺搖颺葛衣輕老僧送客烟江
外一鳥啼殘落照明

附
前題次韻

至

北蘭曲逕入清幽
蕉葉藤梢次第抽
行至空亭一翹首
稻花雨足漲江流

波光瀲灩柳陰涼
白版為牀小閣張
長日聽鸝同老衲
浮嵐暖翠撲衣裳

棟影蕭疎竹影圍
山泉一酌訝清寒
毗陵題後人爭品
未許參寥兩樣看

澹雪泉為
邵子湘題

眼底江山真是畫
堂中水石有新圖
羅飯牛畫鐸分題爭

羨髯翁句風調居然似大蘇

謂悔人

蹋遍平沙未肯行
心隨鷗鷺泛波輕
蕭閑更愛江天寺
一尺斜陽塔頂明

題祝京兆髮書二首

迸出驪珠濡墨時
縱橫真欲逼游絲
香鬟鬢鬢盤鴉色
翦付枝山也不辭

小蘸烏雲向研池
中書君老未應奇
仁宗飛白看雲字

為余家舊藏

三昧均將造化師

雨中用至韻

近得西陂信荒寒比舊加空亭浮積水茅屋映疎麻鄉
國愁何劇江城晚不譁射堂間對酒冒雨摘新瓜

次韻答朱悔人四首

鬢上繁霜逐歲增風雲真自愧依乘姚江姓字瞻巖谷

時得陽明廬
山紀功碑

膝閣登臨感廢興小草也知人共薄高文

何綺老無能天涯喜接掀髯客梅雨庭蕉綠幾層

堆案文書撥不開敢言胸次絕纖埃事當鑿枘新愁結
詩別源流舊雨來江上鮐魚纔出網幕間乳燕乍翻雷

臨觴古跡無勞問已要先賢闢草萊

新建理學
忠節二祠

河曲勾留憶潞沙鈴齋會合興還賒經旬眠食都添味
何處林巒不是家古寺扶筇行竹色方塘展席對蘋花
匡廬傲我曾遊眺指點空亭帽影斜

跋燭分題共策勲深衷湖海託鷗羣家人雜運求書扇
裨將追隨解好文小別西江浮筏舫言歸東浦卧溪雲
祇應歲晚寒梅發明月幽牕好遲君

漫興六首

稀疎梅子墮階黃雨過梭櫚葉有光末利蘭花相鬪發
高齋長日罷焚香

吳下楊梅未結緣嶺南荔子倩誰傳眼前一事差強意
頓頓鱖魚六十天

盆內荷花靜且妍愛他新葉更田田幽牕夢醒聞疎雨
只欠西陂打鴨船

曲逕斜陽豔草花幾枝紅蓼奪明霞蜂房偶過堪成笑
我放衙時爾報衙

連日北蘭閒看竹全拋俗韻得相羊
依稀東圃芭籬下
二十年前一段香

庭敞簷虛對遠天
桃笙烏几晚風前
小兒下學來相揖
左氏喃喃誦一篇

送羅飯牛入廬山歌

子以牧為名我以牧為字
二牧生平偶不同
各於詩畫有深寄
我詩苦吟四十年
得小三昧嗟華顛
子亦行年平七十一
生供養惟雲烟
昨於北蘭寺中烟江疊嶂堂

見子所作烟江疊嶂畫壘鏤纔數尺意興何瀟灑一掩
一重出肺腑約略茅亭總光怪猶云此水石規摹董巨
而為之更有粉本迥出董巨外匡廬五老崢嶸霄漢皆吾
師子攜畫筆往我寫詩篇送如澠之酒壯子行何惜傾
倒畢卓甕酒酣一擢浮章江恰值梅雨初晴山鳥哢

題石田翁虎丘圖次原韻

擢弭禪關路舊知可中亭畔步威遲誰憐奉使三春住

祇辦看花一首詩

余官平江時僅有
虎丘看玉蘭一詩

塔影山光心獨繫

茶香歌韻老偏宜披圖愈切誅茅願惆悵爐烟裊細絲
浯溪磨崖碑

驪珠顆顆照荒厓元頌顏書一色佳大業當時勞紀述
後人持論苦擠排秦碑周鼓寧須詫雨點苔花詎可埋
墨本看來頻下拜浯溪還擬蹋青鞵

以方竹杖贈悔人作短歌

寧州方竹亦一奇截以為杖良所宜四稜獨異碧篠蕩
七尺誰琢黃琉璃杖兮我把朱髯餉相扶直到廬山上

勸君慎勿規而圓本色一改不值錢

附
前題

允嘉

方竹杖子長七尺產於寧州積雪石觚稜節節削不
成竹色渾如一條碧朱髯性好名山遊贈之濟勝應
不惜聞君新製方山冠更著方袍躡方舄茲遊將訪廬
山松手扶此杖凝方瞳由來圭角世所妒須入白雲
峰外峰

答詩

載震

明日別公廬山去贈我竹杖隨行滕體方節堅色滑
淨一條碧玉丰稜稜側聞分寧邃巖谷狼虎部曲蒙
茸藤截致頗難形甚古大樸不雕囊以繒世閒圓柔
易為好直方誰解堪依憑我老懶拙無一可舍藏信
宜行未能大布一領書一簾漫遊得此真良朋匡君
舊識不我棄招手高峰穿峻嶒扶攜萬仞觀天地大
笑齊物無鯤鵬拜公嘉錫感公意知己名言永服膺
何當杖頭書歲月幽尋衡岱嵩華恒

北蘭僧房半間余題詩處也悔人倣曹峨眉司成
為王阮亭司馬題漁洋詩屋例署為綿津詩屋繫
以斷句余愧不敢承漫為賦答

綿津三舍避漁洋詩屋新題詎敢當祇好罷官詩也戒
蒲團分據己公房

附原詩

載震

茶壚筆格日橫陳一榻蕭然對綠筠風味漁洋真可
比此中也合署綿津

白槿

舜華自昔豔新妝皎皎風姿獨擅場一樹籠烟間倚檻
幾枝如雪澹窺牆唐昌品格從教異簷蔔霏微祇遜香
習靜朝來相對處分明姑射共徜徉

秋日示介維

扁舟羨爾全無繫倦鳥嗟予尚未還不少雙江風味在
兩翁相對聳吟肩

天都峰勢迴孱顏摹寫輸君倚杖閒今夜老夫有清夢

暫拋廬阜向黃山

曹寶熊荊封年來共酬倡鹿牕句子訝偏清何妨鼓吹西

江派也學涪翁作主盟

送介維還歙兼寄荊熊封

楓葉飄蕭動夕吹送君南浦意淒其小留黃篴鷗邊舫

共吸清光月下卮求研那辭開古井

相傳歙研出獄中古井者佳擣

烟須為寄西陂

託介維製西陂墨

鴈堂令尹如相問報道殘年

祇辦詩

介維將解纜為風雨留一日再賦送

江上驚飈起征颿未許揚幽蘭留閉戶疎雨對持觴

悵秋屏閣逢迎問政堂

熊封堂名

月明修翫事千里望佳章

早秋雜興五首

豫章兵火苦侵尋何限

朝廷眷顧心三載蠲租三十萬江流難並

湛恩深

武陽陶瓦教當時碑版煌煌紀收之報稱愧臣無一可

也從天上荷

殊知

劉損禦變有遺篇
此事當初亦偶然
敢倣文成磨石壁
大書深刻向開先

讀法仙宮月吉趨先賢祠宇
關東湖千牛習氣都驅遣
甘作乾坤一腐儒

北蘭寺裏看山罷
種菜亭邊校射歸
一事夜來徵左氏
青熒燈火坐書幃

夢中得句醒而足成之

戶外青山扶杖得隴頭明月咤牛還得夢中何須此景觀

消受夢裏題詩亦灑然

奉酬阮亭司馬見懷之作次原韻

清詩遠道寄南州正值天涯獨倚樓

聖代史才借司馬老夫心事付閒鷗雲烟鎮日分洪井
魚麥何年慰白頭欲答鐘鏞慚瓦缶坐看孤月下江洲

附原倡

王士禎

中丞持節鎮洪州滕閣重開勝庾樓清簟疎簾過暮
雨隱囊紗帽對江鷗曾來弭擢悲前劫未許題詩到
上頭安得乘風度彭蠡與君吹笛坐滄洲

又奉答題烟江疊嶂堂絕句二首次原韻

茅堂樹色隱重湖堪入營丘水墨圖編籬閒逕年來事

却恨漁洋志裏無

司馬數年前使
粵有南來志

勾留初地對江湖功業韓

襄毅公雍

林

貞肅公俊

敢浪圖詩罷老

僧同啜茗風流龍井未全無

附原倡

王士禎

東湖勝事擬西湖幻出烟江疊嶂圖也似坡公總龍井不知曾有辨才無

題友人寒林曳杖圖

孤岫聳天外寒林參路旁秋風寫平遠老筆追河陽懸我漫堂壁當暑生風霜踽踽曳杖叟定向華子岡

空庭

空庭明月共徘徊偶試玻璃海外杯石谷新圖阮亭句

恰從京國一時來

雨中同心壁上人集烟江疊嶂堂

雨過江干寺尊開樹下牕花香齊已共詩格阮亭降

時

阮亭司馬
見贈詩

斜照山全出沿波鳥自雙清光費摹寫回首

暮鐘撞

羅浮仙蝶歌寄至兒

有客贈我羅浮繭狀如櫛繭大二三甕形雖非扶桑敵
土色良與赤埴參筠筴遠致自海嶠依佈尚帶青羊嵐

南榮高懸清明候兒童周視恒眈眈恐遭陰翳傷獨蛹
默加愛護祈先蠶昨者蠕蠕忽蠢動化生彷彿縑箱蟬
輪困翅展摺疊扇五色渲染畫史慙勻圓四點儼雲母
奇光異彩紛相涵文身祇宜花底活纖眉却令閨中耽
紅薔正吐摘蕊飼移置美蔭選石楠三日戢翼蟬抱葉
栩栩倏爾薄蔚藍恨不維繫作佳玩秘篋聊記資清譚
今夜月明晃流承空庭佇立當微酣一蝶翩然拂檻落
絳霞幾縷從天南殊常綺麗奪人目風前略辨眉氍毹

或云其母實覓子藥畦苔逕恣幽探漆園偶夢情不極
膝閣欲捐誰能諳俄驚霄漢去無蹟神仙窟宅隨鸞驂
葛洪遺衣迴茫昧此理揣測余何堪夜闌高咏誠一快
千里屬和催中男

鄭谷口寄隸書韓詩喜而賦此

雲陽遺法邈難窺谷口農今擅此奇寄自臨池呼酒後
快同駐馬看碑時縱橫似出華山格排冝宜書韓愈詩

舞女插花人始愛那從老櫟覓鍾期

谷口與周元亮先生最善

壬申四月十九夜夢阮亭司馬屬咏瀟湘鴈醒而
急錄之一字不遺

岸濶水無際月明春鴈翔徘徊念儔侶清影落瀟湘

暇日治圃志上以詩美之次韻奉酬

荷鍤腰鎌命老奴射堂種菜學髯蘇初心祇許親藝覓
勝事還教理竹梧雨後青蔥人罷灌畦邊吟嘯杖堪扶
多情上客來佳句石谷他年待補圖

附原倡

允嘉

放衙無事課花奴
翦竹移蕉土氣蘇
清味盤供鶯宿
菜濃陰牕借鳳棲
梧練裙亦可居
官著藤杖何妨未
老扶安得虞山揮
老筆為公寫作灌
園圖

玉茗花

雙樹連蜺傍檻斜
園丁喚作白山茶
種疑后土廟中得
名自臨川堂畔嘉
灌溉每同簷蔔惜
陰森還借海榴遮
春前看取開如雪
細咏西江第一花

題倪高士幽礪寒松小幅次畫上原韻

松色與礪幽依佈寒溪路珍圖傳江南三日留閉戶雲
煙拂几席流覽慰遲暮寥寥此筆墨深合荆關度俗韻
吾庶免永言高士晤

江南人家以有
無倪畫分雅俗

西城別墅詩為王清遠賦十二首

石帆亭

苦竹截為檻香茅縛作亭宛同一編泛憶向雙江停不
掛五兩去聊愛羣峰青

樵唱軒

返照轉樹腰微風坐來歇是時開南軒可以望明月我
愛孟襄陽呼與掘詩窟

半偈閣

小閣不數級香鐙閣上俱亦有和松菴不去嗤我迂幾
時持半偈來共參文殊

大椿軒

鼠姑色太妍栗留聲太滑獨有薜荔裳風髯自摩挲何
如漆園椿曾閱千春八

雙松書塢

粲粲列宿迴謾謾輕濤生秋陰落滿地雞犬亦未驚但
聞深塢裏夜聽出書聲

小華子岡

柴門鏤松筠林麓何窈窕有時出西莊村火動林杪指
點華子岡比似輞川小

小善卷

藏書萬卷餘置身百尺樓不若緩步間洞屋得清幽試

問高卧者樂亦有此不

春草池

何用遙相遺烟草不堪翦池塘佳句抽康樂夢徒徧別
後思青青髯腰更應展

三峰

三峰出羣早磊落秀削成寧使米顛拜我見亦乍驚下
有萬斛泉鳴玉長琮琤

嘯臺

長嘯臨高臺
目入歸翼安
得塵鞅紆來此
借肩息終
無綵筆千所恐
萬象逼

石丈

嶽崎故有意
離立長如人
環以羣木古
況乃薜繞身
誰謂石無語
亦貴氣象伸

竹逕

夾逕千琅玕
新詩上頭刻
彈琴不見人
衣染青蒼色
豈知王逸少
亦向竹中匿

西陂類稿卷十一

欽定四庫全書

西陂類稿卷十二

吏部尚書宋荦撰

廬山詩

壬申七月余自江右移節三吳放舟彭蠡抵南康
初十日謁白鹿洞禮成遂過三峽橋遊棲賢觀五
淵潭明日經萬杉至開先坐漱玉亭觀瀑布就宿
寺中又明日登舟往返三日得古詩六章同遊者

南昌廣文楚材諸生涂居璵錢唐太學吳允嘉釋
宿應超淵寧都山人羅牧兒基筠族孫鈐凡九人
自我來豫章便結匡廬想顧為塵網羈不得掉頭徃今
晨泊落星篷牕晴嵐盪巖厓擬攀躋懷抱輒蕭爽初途
背城闔肅然五老仰陂陀屢登陟耳畔清泉響小住傍
松根山疏時在掌鹿洞千年蹤絃誦欣吾黨行行促興
夫樂地無幽賞

洞古之國學肇興自南唐考亭昔主此垂訓何周詳適

際堯舜世大化九域翔

宸翰與

賜書照燭留山岡繫余衿秉鉞咫尺恒相望學規藉文

敬

余曾頌胡文敬學規

愧未親敷揚移鎮荷

新命來謁夫子堂諸生肅奔走特達咸圭璋勸勉亦云

切廩餼聊薄將

余置湖田少許

象山講義利令人泣霑裳大哉

子朱子錄取置座旁斯人不可見後學徒徬徨洞壑蘚

花積橋亭松風長欲去仍頓軛願此抽篇章

久曠山澤游冲襟鬱以積出洞偕衲子展眺意良適溪攢
芋葉青籬綴豆花白村農遮道周兒童窺門隙酒漿競跪
進誰忍去爾迫俄驚三峽橋截磧卧千尺斷岸儼瞿塘奔
濤撼怪石亭午炎威熾橋下任投憤飈迴難久留更振崖
畔策玉淵得一竒深潭注寒碧葉落鳥應救中藏蛟龍宅
林際開寶坊鐘魚震幽僻講堂倍寂寥緬懷讀書客連蜷
雙桂樹攀條足晨夕解帶鎮山門佳話傳自昔我匪蘇楊儔
一笑踵其跡

楊文襄效坡公留玉帶於焦
山余復繼楊留玉帶於此

題名倩山人顛米為辟

易須臾纖月明松杪翻宿嗣呼酒勞徒侶流螢點絺綌
趁曉催遊伴竹輿嘔啞喧削壁望五乳隱隱辨寺門緣
壁出汲僧騰擲疑孤猿誰繼憨大師妙義闡風幡三歎
舍之去萬杉停短轅當逕排古礎驚竝石鼓捫法界啓
北宋丈室殊弘軒昭陵御筆失穎濱長句存香飯分一
孟杉影清心魂僧誇槐京字導我過荒園寺後有槐京包帚書龍虎
字俗書那足貴乃比璵璠盤礴楓樹下嘯咏石上蹲
野翁芭籬外擁瞰頭如龜秋暑酷未退何時雨翻盆行

將挹飛瀑庶滌胸中煩

精藍首開先欲到心甚渴望見鶴鳴峰已覺俗韻割迨
至招隱橋一旦詩意豁千松夾道迎蚪龍鬬空闊苔華
放翠蓋可玩不可掇路轉殿閣雄欲竝山截薛紆迴軒
檻幽經營元宗末浮慕世外遊忍將民財括轉瞬幾滄
桑書臺蒙野葛石眼聰明泉留洗水精盞煌煌紀功碑
聲施何弘達嘉靖識良異觀者恒咄咄

王文成刻石在
正德庚辰明年

世宗即位碑中有嘉靖
我邦國語觀者異之

涪翁七佛偈顏柳受鞭撻墨本

舊已藏苔石今一抹披尋榛莽中何處萬雷聒西偏沿
澗屑引溜來活活忽入青玉峽奇勝千山奪絕壁瀑花
翻箭急雪色潑潭曲神物蟠靜對戒嗔喝移情海岸同
衣袂霑跳沫孤亭坐忘歸朝衫此回脫

月落潭上回入寺月仍見始知玉峽高直遮天之半

叶

香臺敞宜步禪室靜堪戀老桂當簷盤美蔭周一院雪

公

雪嶠
大師

遺額縣筆勢鍾張擅古秀奪華亭洵足光紺殿

解衣投繩牀聲送莎鷄亂

叶

炎官繳未收經旬苦揮汗

叶
異哉今夕涼不待秋風薦空山氣候殊即次眠食便

曉起覓歸路不禁再三歎叶
茲山燦往牒雲岫夙健羨

三日走山麓聊識匡君面何當謝圭組千峰探欲徧拾

松煮瀑水息我雙翩倦捨舟復登舟惆悵猿就檻叶回

頭眺黃巖飛淙掛匹練

述鹿軒詩

春日過靈巖元墓看梅同吳志上心壁道人兒至

六首

花事盛江南看宜蕊半含春風吹小艇速岫送晴嵐野
店經行好精廬取次探提攜雙蠟屐謝客未應慚

千載吳宮蹟青山未陸沉廊空傳響屨臺聳罷調琴懷
抱江湖入登臨感慨深迢迢香逕在白鳥下波心

斜陽照山麓鼓枻向長河崦裏梅花放人家酒旆多溪
橋聊待月畫舫忽聞歌烟水迷濛際幽香幾陣過

小泊太湖尾高眠領衆香凌晨扶竹杖結伴入僧房仙

梵雲霄落宸遊碕壑光相思今一寫倚檻對漁洋

謂王

阮亭
侍郎

未嚼銅坑蕊還看隧道花

董潯陽墓

山瓢挹冰雪風袂冒槎

枒危石間堪凭遊人靜不譁誰將補之筆貌取此幽葩

最是吾家山千林一望間淺深花遠近上下鳥綿蠻勝

友此為別

時志上還錢唐心辟還廬山

官衙仍獨還呼兒編蒲草將

句寫孱顏

附

前題

至

過雨梅花放春來得共探一江烟漠漠十里柳毵毵

胥口帆初掛橫塘路舊諳不須山寺近出郭接晴嵐
硯山高不極亭午訪禪林磬響雲烟外湖明竹樹深
美人長寂寞霸業總銷沉小立空臺望春風憶鼓琴
落日下船去微風蕩碧波帆飛急於箭帶月泊山阿
漸覺梅花近時聞香氣過一尊村舍酒徙倚聽吳歌
太湖三萬頃遙望上漁梁一葉凌空闊千山接眇茫
松風喧急雨溪月冷鳴榔坐久回船卧梅花入夢香
晨興扶短策數里到山窪夾道竹千箇橫門梅半花

漁洋浮翠靄梵唄出烟霞搔首空廊坐吟深日欲斜
吾家山畔望林壑倍幽閒春雪忽為海香風又一灣
夕陽花綽約歸路鳥綿蠻不淺登臨興誰當共往還
送心壁道人還廬山次邵子湘韻二首

送爾半塘上飄然廬阜歸肩挑桃竹杖身掛水田衣詩
有江行作帆同燕子飛到時春欲盡開遍野薔薇

我昔開先寺曾為竟日遊看碑緣石磴覓句坐僧樓瀑
響晴疑雨山空夏亦秋却因贈別處惆悵桂叢幽

題吳孟舉黃葉村莊圖二首

黃葉村莊結夢思，披圖略約帶疎籬。
磻幽幽鎮相對，

合教唱出葉花詩。

孟舉有
葉花詩

溪堂高話者誰子，風味裴王差不殊。
我亦西陂有別業，幾時放鴨入菰蘆。

後園六絕句

官事自勞如我懷，何容輿糾日後園。
中間關聽鳥語，

牡丹故園種髮鬢，香鬟開

花名雕
髮輕醉

傳呼吏人至，共我看

花來

阿段荷鋤來開畦花臺右老翁一飽餘小試種菜手
幾日春欲老空林新綠加乍驚殘雪在零落繡毬花
種藕向清池來看日幾而新葉小如錢呼童打花鴨
西軒几席幽砌上苔痕留焚香此獨坐偶似韋蘇州

附
和前韻

吳之振

舟車南北路出處慎所與高人有幽期披襟得深語
小草不知名繞砌當春開紛披遮老眼不看牡丹來

廿年種菜把策勲老圃右小詩儘波瀾讓公泉石手
昔人譜花事未蒙寵命加自公噏賞後品格竝瑒花
春半飛柳花小池萍匝市為愛兩鴛鴦竹弓休打鴨
掃地靜焚香清風千載留擾擾彼何人鑄錯窮九州
秋日池上遣興六絕句

天矯驚看龍掛湖漫天雨氣白模糊

龍掛湖白模糊
吳中農諺也 桔

棹費盡千村力龜坼山田始一蘇

此日監門已繪圖忍教一雨便追呼比來枘鑿不稱意

獨遶清池數鴨雛

日過西軒始放衙
厭聞鼙鼓戟門撾
恤人悶悶渾無計

號作韋菴也不差

韋蘇州傳有悶悶恤人語

荷花娟淨水平池
疎柳空亭韻細颺
坐久忽疑乘小艇
清香無際入西陂

每逢衲子喜追攀
瓢笠何當遂我閒
世外因緣知有在

北蘭書到又盤山

近得澹雪拙菴二公書

肺病秋來劇可憐
詩腸枯比旱時泉
偶和故人池上句

坐殘清漏廢高眠

子湘亦有
池上詩

題王令貽垂竿小照二截句

幾株疎柳蘸清漪
秋日柴門把釣時
閒放釣竿君會不
溪山滿眼恰催詩

老去烟波憶釣家
曾攜笭箵上漁艖
披圖大有西陂景
只少黏天白藕花

曉發句曲望茅山

于役全將俗韻消
曉風殘月望來遙
淒清行潦侵山脚

明滅輕烟界樹腰飯進老農新獲稻詩尋野店舊題橋
余舊有經姊妹橋詩茅君咫尺無由覲空挹晴嵐向碧霄

惠山紀遊寄子湘

毗陵掛瓢得快風惠山迎人媚如許老夫遊興忽勃發
藤杖芒屨勇可賈初從曲港破澄碧俄近招提聞粥鼓
入門鴨腳葉亂飛颼颼晴空來急雨蕭閒法界帶巖壑
抖擻冲襟絕塵土肅瞻祠宇憩杉逕
華孝子祠爰探泉源歷
磴戶一泓古甃酌清泠香美應知勝牛乳竹爐遺製爭

摩挲

爐為明初僧性海製
王孟端諸公圖詠

鹿柴鄰園任容與鄒荒寒僻

境難久留展眺東山趁亭午丹房禪室半荆榛獨有浮
圖峙今古九龍峯迴阻霄漢五里湖明辨洲渚微茫雲
外是具區聖姑毛公堪爾汝下山餘興不可遏別苑重
過瘦筇拄秦良讌屢到嘉樹堂新構偏愛梅花塢即次
思欲委符節局促人間亦何苦還舟命酒寫所見回首
林巒幾延佇屬和好待青門翁定笑顏唐劍南語

附

和前韻

邵長蘅

九龍天上耕芝田月明下飲梁溪渚繞溪幻出九芙蓉
攫霧挐烟秀如許一龍弄珠吐清泠滑如雲母甘勝乳
山空有時響琴筑水遞處處走甕甌谷簾中冷無定評
第二之名獨千古子瞻一去六百年品題恨少驚人語
綿津先生宋夫子輟櫂幽探勇能賈籃輿仄逕緣青蒼
小隊朱旗隔山塢僧徒松下著袈裟蒼蘆林間叫鸚鵡
鄒園秦園試遊屐山鳥山花共爾汝還登絕頂望太湖
天半一鈴鳴窳堵三萬六千頃銀

詩捲向硯凹灑秋雨新詩句句神骨清好與九峰鬪
眉嫵我家遠山不百里竹槎芒屨昔遊數五年不蹋
漪瀾堂雙脚却嫌浣塵土

蘇詩還將塵土
足一蹋漪瀾堂

公詩玉局

行驂驪我媿秦黃失跬武龍頭菌蠢驚軒轅吟吻聲
悲空自苦老病况欲師維摩漸懺綺語剗應補山靈
丐我十笏間擬向松菴聽粥鼓

題朱竹垞小長蘆圖卷遙和阮亭三首

誰寫水村圖蘆汀秋色冷詩翁脫帽來懷抱江湖永

愛此雨蓑烟笠相將更有佳兒我亦何時攜幼拏船直
入西陂

斜陽裊裊釣絲風蟹舍魚莊野岸通此際披圖心一洗

解人却憶米南宮

米有寶軸時
開心一洗句

寄題曹子清戶部棟亭三首

有序

子清之尊人於白門使院手植棟樹數株綠陰紛
披可愛因結亭其間顏曰棟亭子清追念手澤屬
諸名人賦之詩盈帙矣未幾子清復移節白門十

年中父子相繼持節一時士大夫傳為盛事題詠
愈多予與子清雅相善也乃賦三截句以附諸公
之後云

燕山老桂蠹不青三槐堂前槐亦零惟有白門棟樹好
六朝山色一茅亭

婆婆老幹已成圍記得青青拱把時繞樹千迴清淚墮
棟亭可是峴山碑

棟亭好景白門稀棟亭新詩不敢揮只向誠齋乞一句

南風紫雪棟花飛

楊誠齋詩只怪南風吹紫雪不知屋角棟花飛

題沈客子林屋山居圖

林屋知名第九天
洞庭南望隔秋煙
羨君獨占仙靈窟
采采琅花酌紫泉

尹山書酒間舉杯向余曰僕明年五十矣請從高達夫五十學詩余聞而壯之口占以贈

有唐高達夫五十而學詩茲事傳說久人每艷稱之余友和靖裔皎皎冰雪姿雄談耳熱後霜髯當肩披今年

四十九願效達夫為我聞君此語曠哉懷抱奇非同齷
齷子祇從流俗期朝吟花一朶暮吟酒一卮風騷供鞭
撻終以詩名垂始雖淪一尉旄節行可揮三吳山水窟
是處留清暉即目得詩本摹寫良所宜請君振高唱畢
願復奚疑

高江村詹事以乍浦秋鳥見貽兼索題句賦此答

之鳥產海外似黃雀而大每冬風吹落乍浦屬康
僊墓木上土人以竹竿黏取味最美當湖方物

也

吳越食品風味饒當筵往往羅珍錯歲宴齋廚有餽遺
園官菜把嫌澹泊江村先生真好事方物遠貽資大嚼
乍浦秋鳥信一奇菱蕸泥封驚創獲叶書言此鳥產海
外朔風吹向屠墳落黏竿巧取送飲流腹腴項鬢皆可
卻薦而後嘗美無度關箸小兒來霍霍欲證注疏失羽
毛但憐背爪同鋒鏑輪囷不數刺毛鷹亦吳中名產肥澤殊
勝披綿雀深杯屢倒慰老饕燈下盤空剩糟粕新詩昨
始賦了哥近同竹垞子相賦泰吉了險句今還續鐵脚向於京邸有聯鐵脚句

毋煩使者火急催此際枯腸幾迴索^叶

附
和前韻

長蘅

十洲兩兩羽衣客
帔裁黃雲稱身著
誤隨罡風渡海來
化為小鳥翳林薄
毳毼毛羽體披緜
鸛鵒汝兄弟黃雀
苒香胡椒腹猶果
艾而張羅遭急縛
解衣遊戲請入壺
為築糟丘此間樂
骨醉十日不願醒
薦以雕俎間羹臠
白泥紅印充餽遺
不論江珍與海錯
先生鎖印官事閒
掃地焚香坐簾閣
詹事尺書扣戟門
遣

百輩來佐匕酌開封十步鼻觀殊亟呼歡伯傾鑿落
蠶醬鰕鮓真婢才柿狸竹鼬祇懷忤腐儒畜眼見未
曾官廚也似屠門嚼銀盤只愁放箸空詩債未怕隔
歲索三更吟作蒼蠅聲滑稽聊爾資喁喁

和前韻

高士奇

海墀屏跡無束絡土俗鄉風閒領略馬臯入夏壓網
多當湖海捕有馬臯魚最美出重午前後不
過半月家家烘腊供一歲之用兼以寄遠秋鳥交
冬因風落溫經近每絕羔烹近年書經常累
旬蔬食戒烹宰盤饌惟

茲稱大嚼歲寒懷友思餽將妄謂小物味珍錯鹽炙

醬鵲置雙瓶不學邯鄲五彩縛

孔叢子邯鄲民以正月日獻雀於趙王而

綴以五彩

尺素還述土人云此鳥產處隔蓬弱平時飛息

在三山飽食椒茑與芷若泠泠戲作御風行翮倦爭

栖望林壑乍浦東南灌木深脇翼羣投欣有託幸不

化蛤入大海何辭登俎供杯杓飢豐骨嫩饒腴滋色

非丹翠羽成削中曰花雞小鑽籬

土人云中者名花雞小曰鑽籬有三

種山經埤雅堪恢廓廣平肝腸雖鐵石亦賦梅花粲

齒齟逼除却值公務閒官齋脩潔止琴鶴不緣麕野
鄙牛屑翻許吟詩美鹿藿長篇偉句氣莽兀遠走鮮
卑慰寥寞湖千年新人事斷書來展讀快以樂枉比
山平玉糝羹頓指筵前黃領臞病鴟雙鳥本尋常昌
黎有詩高品格老髯妙詠我更妒好主嘉賓鬪奇作
兼示邵子想見張燈甲煎時來詩感席上揮毫精且
湘和詩於除夕博草堂歸後五逢春自守柴桑同尺蠖故人相信絕
干請徃徃郵詩叩鈴閣才盡江淹布絮無勉強搗詞

究貧薄

樂府變彛貧
薄無所報詞

好雨知時節

快哉好雨知時節入春三日陰雲結初聞淅瀝動官閣
旋見飄蕭遍林樾氣象定復兆豐登到手應多十斛麥
去歲正當六七月江南苦旱田龜坼長江之北魚大上
補救無能愧迂拙黃紙尺一天上來發賑蠲租此邦活
三冬以來雪又無顧瞻南畝憂方切歛忽雨師戒號令
東郊優渥桑麻茁繫余駑馬阜樞中也得一飽賢與麀

後園峭蒨竹樹幽當階浸漬莓苔滑巡檐索笑樂何如
縞袂佳人對高潔泥濘尚爾阻遨頭懷抱脩然已巖穴
臨風載詠少陵詩快哉好雨知時節

早春過支硎趙凡夫丙舍用妻子柔訪凡夫韻

出遊趁新霽嚶嚶山鳥音箴舫繫野岸籃輦緣荒岑石
門歷曲折花塢窮幽深徵士高蹈流遺構傳至今松風
激天際彷彿聞清吟僧徒設茗供自昔君所歆梅開小
宛居想見此盍簪展墓芳草積隕涕浮雲陰載過千尺

雪灑然清人心

春日過韓慕廬學士支硎別業不值二首

攜得一雙屐來尋半畝園
春風開小徑啼鳥靜高軒
跡喜支公接花同鄧尉繁
林間留茗具何客此清言

主人不相見斜日獨淹留
巢入雲烟結

園有雲烟巢

春迴澗

壑幽折花應惜手藉草任科頭
何日城南會聯吟願許

甬州

附

綿津先生探梅山中至荒園關於陪從散人城

市使節山林深竊愧歎辱詩及之輒次奉答

韓 炎

小逕不曾掃西莊鎖故園
藥欄歌剩水蛛網綴層軒
忽滿春風坐而無騎吹繁
野梅迎氣味相與澹忘言
林鴉低欲散花外小車留
老樹人孤立斜陽山更幽
吟成雪苑句報與溪西頭
應訝如逋客移文幸許酬

贈太僕卿高公輓詩

高名天爵以建
昌守殉難閭中

烏石峰高穴羆虎赤狐跳
踉黃狻舞血牙鬻炙氣益
麤

紅帕帔首錦纏股妖氛一夜連汀漳吁黎城邊波沸湯
太守弓刀夜棄障不識真卿作何狀七尺誓與孤城俱
變生肘腋誰周防去聲嗚呼南八真男兒壯士隱忍欲有
為不成死耳肯作賊銜鬚茹刃甘如飴璽書褒忠

主恩厚汗青煌煌行不朽顏舌段笏今有無杏山鐵漢

建昌守

題澹雪道人小照次子湘韻

扁舟一道人超然古尊宿斜陽泊斷岸靈籟響喬木何

人貌得之胸映澄江淥白鶴招不來閒雲伴幽獨

題韓慕廬閣學松溪洗研圖

禹尚
基筆

蒼蚪挈煙上空碧千年古藤絡崩石清泉瀉珠跳的皪
誰歟松根坐禿幘儒林丈人文章伯小奚抱研弄潺湲
肩高於頂髻指天蠻溪石卵紫玉堅供以諸葛鼠鬚廷
珪烟何妨一揮百番玉版箋廣陵禹生真好手此畫此
人兩不朽我亦乞作西陂魚麥圖禹生禹生許我不

深淨軒落成用深淨字為韻二首

有池鄰庖福委棄歲月深屏除小結構開軒臨碧潯古
柳忽生色怪石增崛嶽種荷荷有花種竹竹成陰何意
咫尺間渺然江湖心幸非池館華聊繼韋公吟

述鹿

軒名

稍荒僻來鶴

樓名

覽易竟惟有此軒中水石兩幽

映穿藻素鱗跳裛露紅粧靚勝友肯過從逍遙共觴詠
恍疑淶波村高卧謝朝請三復蓋公言庶幾得清淨

夏日池上為梅耦長孝廉題阮亭侍郎吟卷


池上幽幽得勝尋荷花窈窕竹陰森偶來深淨軒中坐

好把漁洋句子吟大海宵冥驚逝楫破牕風雨憶題襟
余嘗撫元人破窓風雨四字贈阮亭和歌剩有都官裔竝與勞人洗片心
夢女郎以畫蘭一朵索題口占二句醒戲成之
三湘一朵貌來幽綺閣深情未易酬堪笑鬢絲禪榻畔
又從前夢得風流

懷西湖次東坡原韻

西湖東南美遊眺多高賢白蘇兩寓公領畧得其全
余愛山水出郭疾病捐譬彼蜂就蜜所性良由天盤山

與廬阜入手自往年西湖咫尺耳徒聞好事傳今夏六
月中緬想荷花鮮秋憐湖上峰娟秀縈雲烟何待段橋
畔桃柳爭芳妍晴空每矯首清夜或廢眠幾日冷泉亭
佳茗手自煎一枝老藤杖須趁腰脚便勝地如勝友堪
結歲暮緣鴨背船易買已辦囊中錢



西陂類稿卷十二